

中國方志叢書·華北地方·第二八三號

據

劉濟南等修曹子正等纂  
民國十八年石印本

影印

陝西 省

# 橫山縣志



sk39/19

成文出版社有限公司印行



\*10098667\*

中華民國五十八年 月壹一版

# 橫山縣志

全一冊

發行人：黃 成 助

出版者：成文出版社有限公司

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

民國十六年

陝西橫山縣志

于存

印

橫山縣志卷一

序文目錄

繪圖地理志

官師志選舉志

人物志

橫山縣志序

橫山為懷遠舊邑志乘失脩久矣民元以來各縣設局採訪皆以脩志為急務而脫稿者甚夥今橫山邑紳以其同人所纂新志示余余詳加批閱喜其綱舉目張有條不紊能繼何君舊志之後知是邦固大有人在矣夫橫山北境首有統萬城焉攷赫連之古蹟於歷史有重大關係是則斯志之成不得視為尋常紀載可知也况當國體改革百度維新教育實業之提倡自治警察之設施悉分門別類縷述於篇又能開前志之未有策後事之進行至於闡揚節烈臚列名宦足以動人觀感擇必精語必詳洵可備輶軒之採矣余治軍陝北有年每過白城舊墟不禁歎歎憑弔且以舊志與斯志恭觀此八十餘年中迭經徇亂匪擾而戶口比率竟較前有減無增撫今追昔可勝歎哉所願與民休息加以生聚教訓再瞻民族之進展可也余既樂觀厥成今因殺青有日故不辭譎陋

為弁數語於簡端

中華民國十八年四月一日

國民革命軍  
第五集團軍

暫編第十八師師長蒲城井岳秀序

### 橫山縣志序

一邑之重有志以其為文獻所萃萃功同於史足以信今而傳後也惜東筆者往往傳會災祥侈飾名勝且束於成例有褒無貶託體由是不尊而作志之初意亦幾浸失矣惟康對山氏撰武功志並書宦績美惡章實齋氏作永清諸志一切繩以史裁志例剗闢識者疑焉竊嘗謂今作方志豈僅備國聞毗掌故而己哉要在開物成務民用利賴俾覽者於其地之形勝攻守食貨民族政教禮俗殖業土宜一展卷輒晰其利病而無遺舉凡政治設施胥克憑為良鑑庶其書為不徒作也在昔之時或有顧忌拘孿未易伸意今當革命成功咸與維新之會凡昔之蔽陋正可概予刊革倘仍懣懣因襲則甯不重貽識者羞乎私懷此情積有成年頗擬仿朱氏吳郡記恭以章氏義法經緯故實成里乘一家之言祇以塵事牽冗卒之未果頃得曹君穎生學長來書云近為其梓里橫山縣

脩輯志乘已將殺青屬為作叙橫山為榆林舊屬唐宋屬夏州治兵爭頻仍代有聞人曾君懷才蓄德允推物望同纂諸君亦皆鄉耆宿學他日書成垂之成禩必能矜慎足徵儕諸信史為志乘前途放一異彩不讓康章諸氏專美於前聞之竊喜爰掬罄愚管寄質曾君以當商榷云爾

中華民國十八年夏六月石梁何錫麒萬民甫謹序於新都旅次



## 橫山縣志序

橫山之名何自而昉按顧祖禹讀史方輿紀要載宋神諤復綏州漸窺橫山以西功雖不成而寇患益少蓋橫山朔方大磧也沈括言盡城橫山瞰平夏則彼不得絕磧為寇種諤亦言橫山延袤千里多馬宜稼人物勁悍善戰且有鹽鐵之利夏人恃以為生其城壘皆控險足以守禦據此則所謂橫山者就榆綏一帶言之也明洪武始定陝西築響波懷威清五堡清初因明制仍設衛所雍正九年巡撫碩題請改置郡縣以懷遠堡為縣城兼轄波響威清四堡民國三年改名橫山蓋以懷遠與安徽廣西屬縣有同名之嫌且其地北控蒙古東銜榆林西接靖邊南與綏德米脂安定犬牙相錯為橫山山脈之要塞因改今名欲人顧名而思義也清代邑令蘇何兩公編輯懷遠縣志詞旨簡明足資攷核已為橫山縣志之先導民國十年鞏縣劉公治堂攝篆是邦倡脩縣志邑紳耆曹

端卿君旁搜遠紹編輯是書其哲嗣頴筌輔成之不特將縣中之道里村鎮山脈河流詳明如繪且於選舉人物名宦物產風俗教育實業交通財政政治藝文皆條分縷晰筆之於帙可謂留心於社會學者矣曠覽歐西各國講求是學者無不將邑埠中諸大端編纂立說宣傳於一時流行於後世此所以進化甚速也乃吾中國則不然歷代相沿皆重家庭而不重社會一邑之事蹟屬於社會者也老生宿儒或以為與家庭無關置若罔聞所以遐陬僻壤非無選舉也而名籍莫攷非無人物也而湮沒弗彰非無名宦也而功績特隱非無物產也而盈朒難分非無風俗也而抑遏不播非無教育也而成效鮮著非無實業交通財政政治藝文也而技巧未陳曲折未辨出入未稽籌策未詳後之人即欲因時改良何從措施簡陋自安不求文明推其極將如黑人紅人不能逃天演淘汰可不懼歟曹君有鑒及此爰輯是志將一邑之事物包括靡遺倘留心社

會者瀏覽此書注意實行使荒僻之地變為繁庶之區則陝北之民莫不共頌  
曰著作之功侯其禱耳  
民國十八年己巳孟秋米脂杜良奎叙於榆陽東山之麓

三  
身  
六

四

林東順齋石印

橫山縣志序

縣志者資治之書也濟南宦遊關中閱十餘年歷署府神榆葭延川等縣幸免  
大戾揆厥所自得於邑乘為多辛酉春捧檄來橫橫居萬山叢沓中為橫山  
主峯所在南連上郡北接蒙疆幅輳遼濶古稱難治公餘遍歷縣境諮詢民間  
疾苦見其土地瘠饒而物產鮮少風俗敦龐而戶口凋零自維菲薄隕越憂  
訪求邑志罕有存者蓋是版毀於徇亂而書盡散佚後偶獲親一部猶得自省  
垣書肆噫縣之有志亦猶國之有史也志而如此其危矣哉爰先籌資付印用  
防佚失復念是志為山陰何公保如手輯由道光壬寅迄今又近百年其間政  
治之沿革學校之興廢人文之盛衰丁口之增減以及循良治績耆宿懿行孝  
義節烈堪以列載者若不及時蒐羅漸歸湮沒將何以上酌前哲下貽後來乎  
邑耆曹端卿先生博學淹通慨允樂成更廣集諸薦紳莫不踴躍奮興願勸盛

舉因設局續脩分區調查越二年先生仙逝頴生上承先志熱心賡輯凡在壬寅以後詳訪博採以期無濫無遺若人物金石事有確徵而舊志偶遺者亦必搜輯補訂入古廟而覓殘碑攀危岩而探勝蹟其勤苦有足多者未觀厥成濟南卸任去賴諸君子攷稽彙纂體衷諸正論協諸公質實詳瞻以成一邑之信史邀聽之下其慶欣為何如也因述顛末用弁簡端非敢謂筆路籃縷但由今思昔情志頓殊後之生於斯官於斯者亦將有所觀感焉

中華民國十九年五月吉日前署橫山縣知事豫西鞏縣劉濟南撰

## 橫山縣志序

掌政周禮地官大司徒之職在周知地域廣輪與人民之數土訓則掌道地圖  
誦訓則掌道方志誠以為政之道必先洞悉本源故古聖人特設專官以備諮  
詢又春官宗伯之屬小史掌邦國之志而周志鄭書等類遂盛稱於一時外史  
掌四方之志而晉乘楚檇杌魯春秋之名復藉甚於當世可見志書自古為重  
矣薛及後世地輿列增名物調查日益精審復有宿儒碩彥綜合古今事實分  
門別類備載於篇以垂永久在省則有省志在縣則有縣志使後人一覽而明  
籍資攷鏡稱為吾國大獻之大觀豈虛語哉橫山僻處邊徼地居要隘赫連岷  
起築城統萬西夏負隅又用兵其間亦一時形勝之區也自有清設縣以來縣  
志修於前何志續其後以荒遠小邑而有詳明記載繪人文口珍同拱壁矣洎  
民國肇興邑改今稱志之失修已數十年而革故鼎新舉學校警察諸要政次

第舉苑為前志所未有長此再不續脩則年湮歲遠將有遺忘余於十七年秋  
捧檄來宰是邑邑紳曹君穎生兩山昆仲以尊翁所輯新志示余余披誦數過  
善其體例精當徵引翔實且於甄錄之中復厲褒勸之志其維持禮教改進政  
治之隱衷溢於言表曹君雅擅三長諸同人又能採訪無遺皆是志之功首也  
獨惜近年以來迭遭荒旱比歲弗登流離死亡戶口銳減余謬承其乏更不能  
不於所載義倉積穀水利種植諸項注意進行焉語云前事不忘後事之師是  
則斯志之成實為官斯土者之政治導師也余雖不文能不歡欣鼓舞而勉獻  
數言於篇首耶

中華民國十九年六月穀旦著橫山縣縣長山西榮河張斗山謹撰



## 橫山縣志序

國有史所以存一代之典章法度與政治之隆替也邑有志所以明山川辨土宜詳物產觀風教也故史必綜合版宇提綱挈領其用也晉志則限於方隅其體也狹範圍雖不同然其體例方義固二而一者也周官外史掌四方之志小史掌邦國之志銜談巷語野史稗官之屬采摭上達操之外史且行人有五書之獻職方有圖籍之聚太史有風詩之陳蓋制度由上而下采摭則由外而內也采摭備則制度精制度精則政事成自古以來未之或易橫山為歷代兵爭要塞屬古夏州境自赫連以築城於晉李元昊跳梁於宋竊據撻伐兵燹屢遭造明季套寇犯邊士馬干戈擾攘直無甯歲生民之塗炭極矣因是延撫余公子俊北起長城內繕營堡屯軍治邊皇慮不甯而邑之五堡廢由是始清初編定營制移中協副總兵於波羅迄雍正九年統五堡舊有之營壘併延榆綏三